



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 21/374	Løpenr: 21/4325
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	27.05.2021	020/2021

Faste saker

27.05.2021 Formannskapet:

Handsaming i møtet:

Godkjenning av innkalling og sakliste:

Ordførar Knut Harald Frøland (Bl) foreslo å ta ei ekstra sak inn på saklista for møtet, som første sak etter utvalet sitt kvarter. Forslaget gjaldt sak om premiss budsjett og økonomiplan 2022-2025. Formannskapet slutta seg til at denne saka vart teken inn på saklista. Ordføraren orienterte også om at einingsleiar for pleie og omsorg ville vera til stades på to saker i møtet (sak 032 og 033), og at for å unngå unødvendig ventetid for einingsleiar ville desse to sakene truleg verta handsama (framskunda) når ho kom til møtet.

Eventuelle merknader til protokoll frå førre møte:

Ingen merknader.

Orienteringssaker/referatsaker:

Ingen orienteringssaker vart tekne opp under den ordinære handsaminga av sak 021/2021.

Etter at det vart gjort vedtak i den siste saka i møtet (sak 031), svara rådmann Ingebjørg Vamråk på spørsmål som vart tekne opp i kommunestyret 06.05.2021 og som ikkje vart svara på der. Dette gjaldt følgjande spørsmål:

- Status for arbeidet med tilstandsrapport/vedlikehaldsplan kommunale bygg
- Status for arbeidet med bygging av heis på kommunehuset
- Flomlys i idrettsanlegget i Hagabotnane

Etter at rådmannen hadde svara på spørsmåla ovanfor, bad ordførar Knut Harald Frøland om ei orientering frå rådmannen om to saker (barnevern og Krekavegen). Knut Harald Frøland bad om at møtet vart lukka under desse orienteringane, med heimel i kommunelova § 11-5. Møtet vart lukka medan formannskapet handsama spørsmålet om lukking. Møtet vart opna igjen før røystinga om lukking. Det vart samrøystes vedteke at møtet skulle vera lukka under orienteringane. Det vart

utanom dette ikkje gjort noko vedtak knytt til dei to orienteringssakene.

Etter orienteringane om barnevern og Krekavegen var det ei orientering/informasjon med omsyn til arbeidsgjevaransvar. Rådmannen og møtesekretæren vart dimittert frå møtet før denne orienteringa/informasjonen.

Utvalet sitt kvarter:

- Odd Arne Haga (Frp) - spørsmål om kalkulert rentesats for gebyr vatn og avløp. Økonomisjef Nina Erdal svara.
- Lena Tveit (Bl) - spørsmål om moglegheit for sommarjobb for ungdom 16-18 år. Rådmann Ingebjørg Vamråk svara.

FORM- 020/2021 Vedtak:

Møteinnkallinga og saklista vert godkjent. Orienteringssaker/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Orienteringssaker/referatsaker vert tekne til orientering.

Oversikt over faste saker:

Godkjenning av innkalling og sakliste.

Eventuelle merknader til protokoll frå førre møte.

Orienteringssaker/referatsaker.

Utvalet sitt kvarter.